

2. D. B. V.
DISSERTATIO MEDICA
DE

9.
10
**SALVBRI FRIGI-
DO POTV**

QVAM

RECTORE MAGNIFICENTISSIMO
SERENISSIMO PRINCIPE AC DOMINO

**DOMINO
GVILIELMO HENRICO**

DVCE SAXONIÆ, IVLIACI, CLIVIÆ
MONTIVM, ANGARIÆ, WESTPHALIÆ
ET RELIQUA

SVB PRÆSIDIO
IOANNIS IACOBI FICKII
PHILOSOPHIÆ ET MED. DOCT. PROFESSORIS PVBLICI
ET ARCHIATRI SAXONICI

DN. PATRONI, FAVTORIS ET PRÆCEPTORIS SVI SVMMO
HONORIS CVLTV DEVENERANDI
PLACIDÆ PHILIATRORVM VENTILATIONI

EXPONIT
A. & R.

MICHAEL MARTINVS HENTSCHEL
LVBECENS. MED. STVD.

A. O. R. MDCCXVIII. D. XXIX. DECEMBRIS.

IENTÆ, LITERIS FICKELSCHERRIANIS.

DISSECTATIO MEDICA
DE

SALVARI FRIGI- DO POTV

RECTORE MAGNIFICENTISSIMO
SERENISSIMO PRINCIPIS AC DOMINO

DOMINO
GUILIELMO HENRICO

DUCE SAXONIE, IVLIACI, CLIVIE
MONTIVM, ANGARIAE, WESTPHALIAE
ET RELIGIAE

SVB PRÆSIDIO

IOANNIS IACOBI FICKII

PHILOSOPHIE ET MED. DOCT. PROFESSORIS PUBLICI
ET ARCHICAMERARII SAXONICI

DA PATRONI, CANTORIS ET RECTORIS SVB
HONORE CIVITATIS REVERENDISSIMI
PLACIDE PHILIPPI RECTORIS

MICHAEL MARTINUS HENTSCHEL

X. M. DCCXXVII. D. XXX. DECEMBRIS

THOMAS FICKELSCHERIANUS

VIRO

Illustri, Magnifico, Consultissimo

DOMINO

**DN. ADOLPHO MATTHÆO
RODDE**

S. R. I. Illustris atque Liberae Reipublicae Lubecensis Consuli
Dirigenti & Primario gravissimo meritissimoque

Nec non

VIRO

Prenobilissimo, Consultissimo, Excellentissimo

DOMINO

**DN. ACHILLI DANIELI
LEOPOLD**

ICto Consummatissimo, & Comiti Palatino
Caesareo

VI &
VIRO

Admodum Reverendo, clarissimo atque doctissimo

DOMINO

DN. IOANNI GEORGIO
REINESIO

Lub. ad St. Iacob. Archidiacono vigilantissimo

Itemque

VIRO

Prenobilissimo, consultissimo, amplissimo, prudentissimo

DOMINO

DN. IOACHIMO LOTHARIO
CARSTENS

Reipubl. Lubecens. Senatori Gravissimo

meritissimoque

Patronis atque Fautoribus suis Dissertationem hanc

Academicam submisit, dat, dicit, consecrat

Illustrium nominum perpetuus cliens

MICHAEL MARTINVS HENTSCHEL.



I. N. I.

Nclarescunt hodie apud supremæ & mediæ fortis homines (infimi enim iusculis contenti suis feliciter & pulchrius valent) ab orientali-
bus populis ad nos provecti calidi potus, & in ore sunt omnium, infusum thee & coffe decoctum, ad quosvis indiscriminatim usus, nullo personarum quoad ætates, temperamenta & affectus, vel anni temporum habito respectu, ducti, ideo sine notabili damno, quod sani voluptatisque causa, aut ad morbos saltem avertendos, plerique illos hauriant, tunc tempore desistentes, quam primum adversos sibi reperiunt, minatos abusu suo cachexiam multaque alia, a viscerum atonia, quam relaxans mollioris aquæ calidæ virtus, atque corporum mollitiem facit, orta mala. Priscos imitati potius Germanorum mores Nostri, a teneris asuescant frigido potui, obtenturi sic firmam in robustis corporibus sanitatem, ferendis externis aeris & aliis injuriis parem. De quo quicquid sumus meditati, in medium proferemus, Academici speciminis loco. Faxit Deus feliciter!



§. I.



Auca de frigore proferre licitum esto, atque commemorare, illud formaliter spectatum in re frigefacta esse meram caloris, hoc est, agitationis particularum subtilium variæ, celeris, vehementis & in sese reflexæ imminutionem ac privationem, in frigefaciente verò positivum quid, à cuius accessione & admixtione illa privatio & quies provenit, quod sæpe fit igniculorum collectorum ab invicem separatione & dissipatione. Mirandi frigoris effectus, quos hieme observare datur, vel legere apud naturæ curiosos, non amplius dubitare sinunt, illud constituere motum particularum subtilium, acutarum, rigidiorum & oblongarum vehementem, potissimum rectilinearem. Non vitra solum penetrat, sed corporum etiam durissimorum, metallicorum minutissimos poros. Rigiditatem præcipue ostendunt fissuræ atque partium separationes, nec non aquarum congelatio & pomorum regelatio, duritiesque concretorum corporum. De motus autem vehementiâ testantur, quod gelu forti rumpantur ligna, diffringantur saxa & ferrei clavi, in ædium tectis etiam maximo strepitu e suis loculis explosi, atque chalybei balistarum arcus fiant fragiles, & contrahantur metalla: venti omnes, quo

validiores, eò frigidiores, ut & per angustias portarum ac canales arctiores missi, quorum tunc citatior & impetuosior est agitatio: molles ac flexiles aquarum particulae priventur motu omni, & rigescant in durum glaciei corpus, majorem affectans locum, quasi majorem aquae fuerint adeptae molem, cum tamen præ nimio frigore hætantum ferè exhalent, quantum æstivis ardoribus.

§. II.

Minus interim sumus felliciti, an substantia illa frigefaciens atomis componatur cubicis, tetraedricis, atque pyramidalibus; vel ad salis cujusdam nitrosi aut ammoniacalis, quibus aquosa fluida frigesunt & congelantur, naturam accedat; vel peculiaris sit spiritus, aut materia coelestis, ætherea, cum in ea vis movendi vel minor est, tum ob paucitatem, tum ob tarditatem ejus; vel major, non quidem pro motu vario & intrinseco, sed extrorsum directæ, in rectum tendens: vel halitus existant peculiare, ex terrâ erumpentes, aut e mediâ aëris regione, vel plagâ septentrionali per ventos ad nos delari boreales. Certum hoc tamen est per experientiam, frigus omnibus in universum competere atque inexistere particulis, aëreis, terreis, aqueis, salinis, sulphureis, (exceptis igneis) & quæ hinc miscentur corporibus, ab inde actu frigidis, quorum actio est ex contactu, quo minorem motum, aut quietem faciunt in minimis aliorum particulis. Hinc inprimis absentia causarum mouentium, perinde ac materiæ crassities & densitas, frigus promovent. Sane ea omnia, quæ in nobis quoque tardioris motus vel quietis causa, ea parte, qua sentimus, faciunt frigus; ut inde inferre liceat,

liceat, ubi nostrum corpus valde friget, a causa interna vel externa, humores ac spiritus esse minus mobiles, corrugari fibras & condensari carnes atque indurari, totumque corpus sæpe rigere & velut immobile fieri, & si omnis in eo cesset motus fluidorum, mortem insequi.

§. III.

Iuvabit pariter hic meminisse distinctionis frigidorum in actu & potentia talia. Potentia sunt frigida, quæ vim refrigerandi latentem habent, uti sunt sem. 4. frig., hordeum, serum lactis, spiritus vitrioli, nitrum, sal Ammoniacum, Saturni saccharum: manifestam vero actu talia, ut aqua frigida, hybernus aër, nix & glacies. Frigidum potentia interdum actu calidum esse potest, & tamen diminuere calorem in corpore vivente, ut serum lactis calidum, acidulæ calefactæ, quod potentius facit, si actu quoque frigidum fuerit, ut acidulæ, quales e fonte scaturiunt, & aliæ aquæ. Consimiliter frigidum actu, quandoque calidum potentia esse potest, ut cerevisia atque vinum. In usu quoque est, ut frigidum potentia dicatur, quando materia in corpore nostro calida, caloris causa, dissipatur, eius expiratione, ut supersint tantum particulæ, quæ tam celeriter non moventur: vel & notat nullam, aut minorem incalescendi aptitudinem, qua calor actualis si non extingui, saltem minui debet: item, quod caloris externi & adventitii minus commodum obiectum est, substantia sua.

§. IV.

Acturi jam de frigore potus, per hunc intelligi volumus fluidum liquorosum, aut humorem, sitis temperandæ

&

& vitæ conservandæ causa, a natura desideratum, & ab hominibus sanis & agris assumi, præcipue in victu, solitum, omne scilicet vini & cerevisiæ genus, horam, seu aquam vinaceis maceratam, hydromel, lac & ejus serum, aquam & similia, siccitati, a seri tum defectu, potissimum a calore vitali, hinc & assumtorum, aut ciborum ariditate orto; tum viscedine, qualem quoque acida scorbutica inferunt salia; ut & salibus salis, biliosis, quibus fauces atque ventriculus specifico stimulo, plane alio, quam famelicus est, molestantur, recte imputatur illa. Atque eo gravius lacerare hæ causæ naturalis sedis sitis nervositates solent, quo major est corporis æstus, plus seri in toto consumens, & inviscans, saliaque biliosa magis efferans, & producent in corpore largiora. Ipsis his corrigendis aut tollendis non quidem sufficere videtur potulentorum humiditas, quanquam siccitati unice destinetur, a qua diluente salium etiam spicula infringuntur & torpescunt, quippe divisa; itemque sitientes quandoque a balneo aquæ dulcis tepido, aut tali pediluvio, citius consecuti fuerint auxilium, quam a copioso potu frigido, qui in febribus, intermittentibus plerumque, perinde ac alias aër frigidus & tempestuosus, pleno ore haustus, sitim excitasse observatus est; sed quoque frigiditas naturæ instinctu exposcitur, quæ humidum efficacius operari facit potulentorum, atque nativum illud corporis densando melius tutatur, & vitalem calorem, actionum omnium moderatorem, intra debitos coërcet cancellos, quod sanitati æque ac longævitati conducit. Quo modo non a præjudicio, neque a consuetudine esse potest, quod sitientes frigidum magis appetant.

S. V.

Ex dictis fluit, sitim esse actionem maxime naturalem, fame urgentiorem, desiderium humidi & frigidi, potus scilicet, quo cibi emolliuntur ac miscentur, ut resolvi & faces separari melius possint. Sanguis, eo ipso, maxime quoad serum, juxta ac lympham toto restauratur, & corpori omnes lymphæ utilitates, quarum maxima, esse menstruum universale, & principium vitæ proxime conservativum, omnes digestiones & secretiones promovens aut constituens, ingeruntur. Diluit ille, humectat, attenuat, temperat; vel & nutrit, per accidens, tanquam substantiæ nutritiæ vehiculum, ceu aqua facit; aut per se, alimentosus, ut cerevisia, vinum, hydromel, qui alimentares habent & spirituosas sulphureas particulas, ob quas aqua minus sunt frigidi, potentia calidi. Hinc Hippocr. Lib. de flatibus, potus una cum cibo & aëre hominum corpora nutrit, & facilius nutrit ac cibo, apb. II. sect. 2. atque ventriculum refrigerat, de nat. puer. S. 34. & potione, quicquid substantiæ humidioris effluxit, restitumus; Galenus, de tuenda sanit. L. I. c. 2. Naturale est, potione astuantem stomachum refrigerari, frigentem calefieri. Celsus L. V. c. 3. p. 28. & qui sitiunt, abstineant cibis & laboribus, & vinum bibant aquosum, quam frigidissimum, Hipp. de diata febribus.

S. VI.

Si anni tempora & quadras consideramus, ita sapientissime a natura naturante provisum est, ut velut propria eorum tempestates ac constitutiones, altera alteras contemperent, oppositione ac vicissitudine non repenti-

na, sed successiva ac graduale, quam veris & autumnis fi-
sunt qualitates consuetæ interpositæ: quod pro salute est
viventium cunctorum in mundo. Quis enim citra vale-
tudinis damnum, sub perpetua hieme degere posset, vel
etiam æstate? Ut enim ab ejus gelu nimia sanguinis den-
sitas & viscedo, oppido morbosa, certo certius induceretur;
ita hujus calore immoderata rarefactio humorum atque
dissolutio, morborum feracissima, oriretur. Quare alter-
natione opus erat hiemis cum æstate, ad crasin humorum
atque spirituum debitam adeo necessaria, facta ab utrius-
que temporis effectui eorum contemperatione & modera-
tione. Haud dispari modo hominum natus calor fri-
gido est contemperandus potu, ne humores ultra suam
efferantur crasin exardescerent, nimisque rarefacti.
Magnæ multæque sunt hiemis redundantes in corpus no-
strum utilitates; in ea enim ventres ab *Hippocr. I. Aph. 15*,
creduntur calidissimi & somni longissimi esse, ut ea pro-
pter plura sint exhibenda alimenta, quæ tunc melius con-
coquimus, & plura appetimus, sanguine & spiritu ad pro-
fundum corporis retrocedentibus, juxta *Galenum, Com-
ment. I. Aph. 15*. adeo ut etiam corpora magis nutriantur,
augeantur carne, plus optimi sanguinis & feri, ob diges-
tiones vigoratas, cumuletur, unde urinæ multitudo &
plus sedimenti, quam æstate; densetur ille, bilisque copia
imminuatur. Juxta *Celsum, L. I. C. 9. p. 42*. frigus prodest
juvenibus & omnibus plenis: erectior mens est, & melius
concoquitur. Aquilo sanum corpus spissat, & mobilius
atque expeditius reddit, *Lib. II. c. 1*. Robusta, pertinacia &
longæva alit corpora densando, & humorum resolutio-
nem prohibendo. Juvat cor temperamento calidius,

morbosque calidos. ib. In genere, condensat, constipat, constringit, humores coagulat, repellit, fluentes sistit & adstringit.

§. VII. *apud in si melle angnit*

Haud minoris momenti commoda erunt actu frigidi potus, qui est omnium vetustissimus, primo mundi tempore, cum aqua potaretur, sumi solitus, & adhuc communissimus; & quia eo delectamur magis, quam calido, naturalissimus. Quia frigus semper constringit, stomachus ex appulsu ferocientis gelu constrictionem validiorem suscipere solet. Atque hæc est causa, cur ventriculus hiberno tempore rectius digerat, quia tunc accuratius clauditur orificium ventriculi, atque sic tam caloris, quam fermenti virtus magis unita servari potest. *Langius, Pathol. animal. cap. 39.* Plus ultra digreditur *Duncanus Liddelius, art. Med. L. V. c. 20.* inquit: In sanis corporibus potus actu frigidior calido præferendus, potissimum in illis, qui calidum spirant; ut enim calor in corpore, talis est respirationis conditio, atque sitis, & talis eligendus est potus. Sitim melius extinguit, appetitum excitat, viscera roborat, nativum calorem auget. Quare sanis porrigendus est, biliosis, sanguineis, potissimum juvenibus, robustis, exercitatis, sedata priusurbatione corporis, ac calidis temporibus; parcius & moderatius senibus, pueris, debilibus, & qui viscera habent imbecillia, delicatis, otiosis, gravidis, ac etiam frigidissimis temporibus, non inflammatione alicujus visceris aut obstructione laborantibus; cavendo nimietatem, i. e. ne fiat confertim & subito, sed partitim, initio parum, plus successive. Suademus maxime æstate fervida potum mo-

derate

derate frigidum, qualis e cella subterranea & puteis profundissimis, ut æstus corporis, vires dejiciens, temperetur, & caloris nativi languentis exolutio præpediatur, (sanguis enim si sit aliquanto frigidior, minus est dissipabilis, ut *Verulamius, Op. p. 539.*) denique, ut humiditas, quæ tunc ob poros hiantes, copiosius exhauritur, & exhalat, recuperetur, bilisque, æstivi caloris soboles, diluatur. *Sorbaui, Isag. Med. P. IV. c. 7. Op. p. 98.* Quid quod frigidis potibus, qui in sanis corporibus necessarii, & omnibus aliis utiliores sunt, membra nostri corporis diutius persistant in naturali dispositione, & prohibeatur p. n. effluxus, spiritus quoque minori dispendio in corpus distribuuntur: quò fit, ut principalia omnia membra temperentur, & omnes actiones reddantur robustiores. *Mercurius, Op. Tom. II. L. I. p. 42.*

§. VIII.

Ad alterandum vero conducit, si biliosi & acres humores in ventriculo, aut circa eum stabulantur, vel in eum irruunt, vel alias calorem ipsi inducendo sitim excitant: atque tunc eo magis, si illis fuerit qualitatibus præditus, ut acrimoniam humorum possit obtundere, ceu facit tenuis. *Vogler, Diat. p. 168.* Nec male agitur, quando in stomacho fervidiori æstivo tempore potiones purgantes propinantur frigide, sicut cathartica etiam gratiora, non æque nauseosa, & ventriculum subvertentia, quæ sumuntur frigida. *Primerosius, de vulgi erroribus, L. IV. c. 14.* Insignissimum præbent exemplum Siculi, præservati nivis usu a febribus pestilentibus, quas aër ferventissimus ac tepidissima aqua potæ, mensibus æstivis, produxerunt.

Pisanelli, de escul. potul. facult. p. 162. Nivem autem ad potum quotidianum refrigerandum usurpabant, alii glaciem, frigida hæc vel conijciendo in pocula æstuantium, vel his circumponendo, vocaturque communiter potus glaciatus, quo æstus vehementiam, in locis maxime calentibus, per æstatem ad ardentem & malignas febres disponentem, ne hæc tam facile insequantur & lethales sint, corrigunt, dissolutionem aut exhaustum humorum, & veluti accensionem ab intenso fervore impediendo. Quem morem etiam nunc imitantur Germani in Magnatum aulis, magis tamen voluptatis, quam necessitatis gratia. Sunt vero, qui summo dissuadent studio usum ejusmodi, multas ob noxas ab eo perpetratas. In dirimenda hac controversia, quo inoffenso procedere queamus pede, distinguere oportet potum inter illum glaciei (intra eum missæ liquatæque plus minus) & congelatum (rursusque solutum, ut cum aquis fieri solet) vel a glacie itemque nive extra positum refrigeratum. Illum oppido noxium, hunc vero salutarem deprædicant autores.

§. IX.

Multum interest, ut dicamus, cujus naturæ sint particula frigorigæ. Haud dubie subtiles sunt, acutæ & rigida, si non ipsæ salinæ, ut plerique reputant, & volatiles esse, de mundi spiritu, in hieme minoris saltem motus, hujus tamen prosapiæ æmulæ, cum a salibus, ammoniaco & nitro, solutis insignis promanet refrigerationis effectus, qualem experimenta 1. 2. 3. 6. & 7. *Boylei, in Observ. circa qualit. originem* confirmant; nec non *Kircherus, in mundo subterr. T. I. L. VI. c. 2.* per quotidianam corroborat

borat experientiam, quando Romæ æstivo tempore, affu-
se phialæ vitæ aqua refertæ, aut intra pelvim, sale nitri,
aqua intra exiguum temporis spatium tantum frigoris in-
crementum sumere cernitur, ut tota in glaciem, supra
omnem gradum frigiditatis, abeat. Iis prorsus turgida est
glacies atque nix, frigus habentia concentratissimum, quas
cum refrigerationis & congelationis effectum in liquores,
sive virtuti expositos, sine dubio derivant, & poma rege-
rata sua inhaerentes superficiei oculis exhibent. Ad ulte-
riorem hujus thesæ probationem interviet porro, quod
in aqua congelata, soluta rursus calore & evaporata,
plus salis reperiatur, quam in alia. Cyathus, cui sal, nix
& glacies sunt indita, per agitationem mixta, pelvi aquam
continenti immisus, hanc sibi proximam congeler, prout
mixture liquescit: & nix in lance, cui cyathus aqua ple-
nus imponitur, prout prope ignem liquefcit, ita aquam
faciat concrefcere. *Zobach Med. Gall. ann. II. Decembr.*
Multum etiam nitri habere aquam nivis, & plus quam
fontana, statuit *Ramazzinus*, *Oper. p. 393.* quæ nitrosa si
non eadem cum frigorificis sunt, his cum & per se nivem
efficient frigidam, & hanc diversæ adhuc indolis effluvia,
in æra, ubi generantur, & tellure exhalata, salino sulphurea
constant, juxta ac terrena, aliæque variæ crassæ, sub coi-
liquatione ejus in aquam, & hujus super terram decursu
factæ per, a quibus hæc ponderosa ac turbida efficitur.

§. X.

His penitus asserere naud dubitamus, æstatis tem-
pore refrigeratos a glacie vel nive potius, non aliter se ha-
bere, quam hiemali, qui a frigido aëre, congelandi

vini,

vim, adeoque frigorigicas cum nive aut glacie easdem particulas possidente, refrigeratus est. Ut autem rigente bruma in nostro quoque climate tot hominum myriades in victu quotidiano potulenta hauriunt insigniter frigida, citra noxam; ita potiones glacie aut nive refrigerata, æstate, ex sua natura haud magis erunt noxiæ, modo necessaria observentur requisita; quod nisi fit, per accidens erunt damnosæ. Quo enim sub syrio, & præcipue in calidis atque torridis regionibus, corpora potissimum virorum, sanguineorum, biliosorum, atrabilariorum sunt æstuosiora, eo potentiori opus habent refrigerio & attemperatione, ne diffuant ac dissipentur vitalia fluida, & velut accensa in crasi sua destruantur, cum sanitatis aut vitæ dispendio. Nec facile metuendum, vitalis circuli sanguinis sufflumen in toto, aut parte quadam inflammatorium, quippe cui ipse resistit eximius in corpore æstus, & vigoratus a frigore viscerum tonus, qui citæ potus, perinde ac particula hujus, si fermentatus fuerit, spirituosæ, distributioni litat. Et quia pariter intentato a frigore stupori & indurationi viscera firma resistunt, glaciatus potus robustis, sanis & juvenibus, in pastu, convenientius exhibetur, quam debilibus, valetudinariis, senibus atque pueris. Robusto tali corpore gaudent Alpium Helvetica-rum incolæ, qui in febribus biliosis, diarrhœis, dysenteriis, scribuntur bibere glaciem ipsam, quæ perennando crystallinam induit duritiem, in solo natali nunquam solubilem, *Ramazzinus Oper. p. 580.* Mitius actum cum nobili Hispano, cui colica acerbè conflictato, cum sit inextinguibili, linguæ scabritie, & æstu in infimo ventre, aquam multam, nive refrigeratam, bibendam exhibebat *Ballonius*.

in somnum est prolapsus, ex quo excitatus mirabilis
flavæ copiam evacuavit, & liber evasit. *paradigm. 181.*
Omnis res jam erit in vado, si modo frigoris exuperan-
tiam & diurnitatem evitet laudata potorum cohors;
quam quoque emendabit paulatina deglutitione: imo pi-
tissando a periculo immunes se sistere norunt, licet im-
pense calentes corpore, vel ab exercitio immoderato su-
dantes, quod ipsis repentina minatur mutatio, juxta
Hipp. 2. Aph. 17. omne nimium naturæ inimicum; sed
quod paulatim fit, tutum est.

§. XI.

A summo & intensissimo frigore, quod in nive &
glacie, harumque aquis versatur, multis gradibus superans
frigus nativum aquarum puteorum & fontium, an simul
a nitroso spiritu vel sale, aut acutis rigidisque frigorificis
particulis & spiculis, aliisque effluviis & vaporibus? &
quod in congelando leves, dulces ac splendidae, ex aqua
expressæ sunt particulae, teste *Hippocr. de aëre, aquis &
locis*, & ingens ipsi cruditas atque ponderositas relicta,
resultare debet, aquam nivis & glaciei esse pravam & in-
saluberrimam. Hoc sensu frigidum, veluti nix & glacies,
dicitur pectori inimicum, tussēs movere, venarum ruptu-
ras & destillationes efficere, *Hippocr. V. Aph. 24.* Ejusmodi
aquæ dicuntur *Gellio L. XIX. 5.* potæ nimium, tabem &
morbos sensim atque in diem longam visceribus infemi-
nare, concoctionem impedire, urinam cohibere, pectus,
pulmonem ac ventriculum male habere, convulsiones,
laterum dolores & flatūs generare, secundum *Matthiolum*,
Comment. in Lib. Diosc. 5. c. 14. renales dolores inferre,

Joubert. Decad. I. paradox. 5. parere viscerum obstructiones, calculum, febres malignas &c. ut *Camerarius, memorab. Med. Cent. V. 49.* lithiasin, stranguriam, dolores renum: nam talis aqua frigus suum diutissime retinet, in præcordiis hæret, hinc in flatus mutatur, digestionem impedit, obstructiones lienis, jecoris causatur. *Sorbaud, Oper. p. 98.* Faciunt in glandulis, valis lymphaticis & sanguineis refrigeratione obstructiones, inferunt bronchocelen frequenti potu, juxta *Celsum L. I. c. 9.* læduntque in pectore nervosas partes. Cum quædam puellæ glaciem, delicij gratia deglutissent, torminibus, colicis doloribus, dysenterijs & obstructionibus, fato sunt functæ, apud *Borellum Obs. XI. Cent. III.* Similiter periit Gonzaga, Mantuanorum Princeps, ut narrat *Bruxerius. de re cibaria, Cap. 9.* Valetudinarius, diu potu, glacie refrigerato, usus hepar habuit prorsus ambustum. *Bonetus, Anat. pract. L. IV. sect. 10. Obs. 2. p. 457.*

§. XII.

Miri igitur vero similis videtur, particulas rigidas, concretionis causam, in liquoris solutione non statim omnes evanescere, aut rigorem deponere. Ideoque ingestæ tales aquæ fauces lædunt & spiritibus, viscerum incolis, torporem inducendo, eorum eutioniam nimio usu labefaciunt, ut & coquendi facultatem. *Mundt, Physic. de potu Cap. I. p. 421.* Non tamen inde deterrentur, teste *Escalio, de Podagra S. 2. Membr. 2. art. 1.* Hungari rustici, qui messis tempore vinum glacie frigorifica temperare, vel solis æstu urgente, glaciem ipsam, in locis subterraneis aservatam & regelatam, sitibundi bibere & ingurgitare solent. Fere majus est, quod sine incommodo Princeps quidam

autumni & hyemis turbidis tempestatibus in venatione cerevisiam frigidam, & tantum non gelu constrictam, stiriusque labiis adhaerentibus, biberit; alius sub bruma non alium potum, in specie cerevisiam sumserit, ac frigori geluque expositum, hinc inde circumvolitantibus nivium floccis. *Miscell. A. N. C. Dec. II. anno 9. Obs. 200.* Hoc sine dubio factum est per consuetudinem, cujus magna vis est. Affructururus vero observet gradus, & sensim ad habitum transeat. Qualis vero in genere in hoc refrigerato potu requiratur frigiditas, certo determinare nequimus, cum respectus sit individuorum habendus quoad ætatem, sexum, temperamentum, habitum corporis, sanitatis statum, &c. ut & regionum & anni temporis. Talis vulgo præcipitur, quæ in aqua existit fontana; vel & potibus e cella subterranea profundiori adductis. Quilibet tamen sit sui ipsius medicus, & experiri in se debet, quid & quomodo prosit, aut obsit sibi. Si a frigido potu præpostere commissum fuit refrigerium, susceptus mox corporis motus, & excitatus calor, ad sudoris usque vel urinæ proventum, haustusque vini spiritus, illud corrigent.

§. XIII.

Jam tandem convertimur ad potum aquæ frigida, non quidem viribus imbutæ medicis, ob principia actiua, ceu thermæ & acidula, alique medicati fontes sunt, sed simplicis, elementaris. Illo usi sunt homines ante diluvium, & populus Israëliticus per annos 40. in deserto, & adhuc hominum plurimi, pauperiores, & qui alia potuum genera respiciunt. Defessos ac sitientes delectat maxime, homines in inveniendis rebus efficit sagaces, longævos,

sanos, atque pinguiore & bono corporis habitu, animo tranquillos, aptos etiam ad liberorum procreationem. Longævitatē exemplis probat *Cardanus, lib. de aqua, p. 17.* viri Indi, qui trecentos, & Hispani, qui ultra centum vive-
rat annos. Novit hydropotas, & anum 90. annorum, acutissimi semper visus, & liberos ejus, sanissimos semper atque pingues; item, duas ancillas, majus robur ab aqua, quam cerevīna habentes, *Riedlinus, lin. medic. ann. II. p. 601.* Aquæ usus pariter est amplissimus, humida sua & frigida natura; activissimum nostro in corpore alterando principium est, licet passivum dicatur, salis & sulphuris respectu.

§. XIV.

De qualitatibus ejus notetur; ob humiditatem, & quod serum auget, omne siccum in corpore humectat, emollit, laxat, lubricat, fibras, poros, membranas, vias; diluit salia quævis & solvit, edulcat & acuat, resolvit crassamenta, abstergit & eluit fordes, aperit, fluidum reddit; educit, alvi laxativa, diuretica & diaphoretica. Frigiditate sua calorem temperat, obtundit sulphur sanguinis, ejusque rarefactionem, neve spiritus quasi accendantur, impedit; increstat & densat fluida, corrugat fibras, constringit membranas, constipat poros, adstringit & repellit; calorem concentrat & auget, licet igni adversetur. Vid. *Illustr. Wedelius, theor. sapor.* Viget autem tanta inter aquam & ignem contrarietas, non ob frigus, siquidem calida aqua eundem pariter extinguit, sed quia aqua particulis constat oblongis, flexibilibus & ramis destitutis, unde neque sic acutum prohibere possunt globulis secundi elementi, ut partes olei, neque aliam materiam, quæ obrui posset

posset spiritus, sic excutere vel repellere, ut faciunt solidiora corpuscula in salsis & acidis. *Job. Raei, Clav. Philos. nat. p. 648.* Vim ejus nutritivam studio omittimus, cum tantillum habeat nutritii sulphuris, ceu jam tum *Celsus, L. II. c. 18.* agnovit, & omnium potionum imbecillissimam pronuntiavit aquam; qua sola pisces, frigidiora animalia, certissimis *Rondeletii, L. II. de Piscibus, Cap. 12.* experimentis, in magnam molem exerescunt: & teste *Alberto M. L. VII. de Animalibus, cap. 3.* melancholicus quidam per plures septimanas vitam sustentavit. Si etiam nutritiva materia prorsus destitueretur, poterit tamen inter prandendum sumta cibos satis emollire ac macerare, ut resolvi ac dein digeri melius queant, simul vehiculum præbere chylo, & demum corporis nutrimento.

§. XV.

Quidni diceremus, eam esse magnæ efficacæ in vita sanitateque conservanda, & debellandis morbis perquam multis. Frigidæ potus, inquit *Pisanelli, de escul. & potulent. facultatibus p. 161.* est necessarius humano generi, (1) ad caloris nativi, neve dissipetur, contemperationem; hinc cum voluptate ferimur in illum, naturæ stimulo, quam quoque ille in nobis excitat, (2) ut corpus humectet & humidum restituat: quod frigus humido junctum potentius efficit, dum humorem e vestigio per universum corpus ita distribuit, ut singulæ partes ejus usum experiantur. Scilicet, frigidæ potus omnes facultates, ad functiones suas vegetius obeundas excitat, viscera corroborat, ut humores pravos ad circumferentiam propulsent; etiam principalia membra contra omnem cor-

Ab Hippocr. 6. Epid. 18. dicitur tum aqua potio, tum vigilia voraces homines efficere: optimo jure, prout ratio & experientia confirmant. De hydropota quodam, *Cassian. Affellius, de venis lact. cap. 29.* loquitur, qui facile duos capos uno prandio conficeret, nec sine pulmento, casei quadra, &c. & locum tamen relinqueret, ubi reliquiarum reliquias conderet. Observamus idem apud acidularum aliorumque fontium potiores. In Thuringia pago, Bebra, aliquot. abhinc miliaribus distito, purissima & egregie frigida scaturit aqua, ad quas methodice usurpandas potando ac balneando, qui confluunt sani & agri, non satis laudare possunt appetitus vigorem, qualem excitat. Æque bonus est, multo condecorandus encomio, hic Jenæ ante Lœberportam, fons aquæ dulcis, quem multis in casibus reperimus saluberrimum.

§. XVII.

Adire jam constitutum est ægritudines, quibus frigida est auxilio. Unde passim eam laudari videas ab *Hippocrate*, ut 2. de morb. 36. in febre biliosa; *populari*, 5. 28. in doloribus ventris; refertque *Plinius, Hist. nat. l. XX. c. 3.* quomodo Asclepiades frigida in morbis data nomen sibi acquisiverit. Inprimis multis in morbis, a bile ortis atque calidis acris humoribus convenit, quos diluere, temperare & evacuare, humectareque totum, cœu universale remedium solet; speciatim in mania, itemque furore & melancholia uterina, juxta *Riverium, prax. med. l. 15. c. 5. p. 227.* Vir quidam delira mente, torvo oculorum intuitu, & violento corporis impetu, præterea taciturnus, mire gesticulans, vigil, cibum potumque respuens,

ad

adstantium oculis truculentam suam ægritudinem ingerebat, quam præmissis universalibus largo frigida potu, in quo arcani duplicati insignis quantitas erat soluta, lenire, & tandem acidulis naturalibus prorsus depellere, erat integrum. Plane singulare est, quod *Hearnius, Comment. in Hippocr. Aphor. 6. L. II.* memorat; cum phreneticus potare nullo modo vellet, quidam ab adstantibus vi os ejus aperiebat, ac aquæ plenas amphoras infundebat. Hic, quamvis eam aquam ad trabes usque fere expueret, maximo impetu, plurimam tamen aquam nolens bibebat. Victus frigore aquæ algidissimæ, dormire incepit: mox sudor erupit, ita vi vitam retinuit. Facilis etiam est medela potus frigida, quando calx viva læsit acrimonia sua corrosiva fauces, & oculos mordet, & vocem asperat. *Ramazzinus, Oper. p. 510.* Sine dubio copiosus aquæ potus somnum provocat, humectando, cum *Rolfincio, Epit. affectuum particul. p. 79.* curat singultum, diluendo ventriculi cruditates, *p. 208.* & supprimit menses, refrigerando. *p. 338.* Oculis insigniter grata deprehenditur, adeo ut non solum acutius videant aquæ potores, quod tanquam problema ab Aristotele est propositum, ut *Scholzius Consil. med. p. 169. 18.* sed quoque epidemica aliquando contulerit ophthalmia, secundum *Hippocr. Sponii nov. Aph. p. 332.* tanquam refrigerans, quæ sanguinem temperet atque minuat. Videtur e contra vigorando calorem agere, quæ consilio *Celsi L. IV. c. 3. p. 204.* non solum bibitur, sed etiam capiti sæpe superfunditur frigida, in resolutione linguæ. Non absurdum, quod si dicamus, augendo serum & urinæ mictum, atque diluendo, aquam frigidam, singulis noctibus bibitam, a gravissimis calculi cruciatibus liberasse

berasse quendam, qui mane, ne frigida potio noceret, piperis aliquot grana integra assimebat; *Scholtzius Consil. p. 407. 4.* curasse pariter ischuriam, teste *Riedlinio, Lm. med. ann. VII. p. 738.* & diabetem largis haustibus, cum *Trincavellio, in Enchir. pract. p. 707.* emendata sic feri falsedine aut rarefactione.

§. XVIII.

Potissimum vero primis auxiliatur vis, ad quas viribus defertur integris. Aquæ potu acidæ ventriculi cruditates temperare in viro quodam melancholico, non dubitavit *Loffius, consil. Med. 39.* Singultum fere omnem sanat, aliquem per se, & aliquem per accidens, inprimis a causa ortum calida, post evacuationem, elect. diarrhodon, juxta *Paschaliū, meth. curandi L. I. c. 32. p. 255.* quin imo levat eum frigida solum in ore detenta. *Hollerius, Comment. in Aph. Hipp. p. 338. b.* Nec minus utilis est, in spasmis a materia subtili. Hinc si spasmodicæ passionēs in stomachis, hypochondriis, utero, pendeant, a succis ad subtile & sulphureum, acre, exaltatis, exhibentur aquea. *Lancisius, de mort. subitan. p. 137.* Juvenulæ biliosæ tali sæpe affliguntur hysterica passione. Post cibum motibus convulsivis corripiebatur virgo religiosa, quæ cum loco vini aquam in prandio biberet, libera ab iis facta, correctis salis & fermentativis humoribus. *Meibomius, Diss. de potu calid.*

§. XIX.

Ejusdem naturæ est colica, cujus acerbissimis doloribus interdum remedio est aqua frigida, inprimis urgente siti. *Amatus, Lusit. Cent. 7. curat. 21.* perinde ac in vomitu & nausea ab intemperie calida, a *Castro, de Me-*

dic. L. II. c. II. nec non choleram compescit. *Mercurialis, Comment. in Hippocr. de ratione victus in acut. p. 547.* In hypercatharsi eandem in multa quantitate exhibendam commendat *Fallopius, tract. de med. purg. simpl. c. 30. p. 197.* In hanc rem egregia suppetunt exemplaria. Vir post vini Canariensis ingurgitationem, incurrit inflationes, anxietates & vomitiones, etiam assumptorum: alius ex vino, sibi ingrato, similiter bilem sinceram *dyo ng* *ad r*u fecernit, cum dolore ventris, anxietate & dyspnœa; & tertius, qui ab helleboro albo sumto excruciabatur extremis intestinorum doloribus, dejectionibus & vomitionibus, cum aestuatione interiora excoriante, siti & potus omnimoda denegatione; liberali frigida potu sunt servati. *Bonetus, Med. sept. L. III. sect. VII. Cap. 20.*

§. XX. Hoc idem valet de dysenteria cholERICA, in qua potus frigida humiditate sua abluuit ab omni saburra intestinali, diluit acres humores, & ulcera mundat: frigiditate sua dat tonum visceribus, refrigerat jecur, obtundit bilis calorem & acrimoniam, atque intestinorum ulcera adstringit. Confirmant hanc medendi copioso frigida potu rationem. *Actius, Tetrabibl. 3. serm. I. cap. 45.* Paulus, alique veteres, & inter recentiores *Amatus Lusitanus, Cent. 2. Curat. 56.* Ast malunt tam restringere nonnulli, ut suscipiatur non nisi in regionibus calidis, & calido anni tempore, itemque ubi materia peccans non multa & copiosa in corpore est, morbusque valde gravis, cum vehemente siti, vel & cum *Celso, L. IV. c. 15.* ubi vetus est malum. Memorabile dysenterici, ita sanati, exemplum legere est apud *Diemerbrokium, in Observat. & curat. medic.*

Novum iam est, & cum ordinarie calida iuscula
post purgans haustum ad solvendum hoc, & humores a
ventriculo detergendos, fumantur, fere paradoxum, fri-
gida aqua potum salubrem fuisse illi, qui purgans assum-
serat, ut felicius purgaretur. *Baricelli, hortul. genial. p. 28.*
In Pro-Rege Siciliae ab epota aqua frigidae libra una, cum
paucis saccharo, nausea & ventriculi morsus statim cessarunt,
& purgatio feliciter peracta est. Laudatur a *Mesue*, aqua
modice frigida, si non operatur purgans, ob naturae im-
becillitatem aut remissam medicamenti actionem; ve-
hementem autem gelida, si non vacuarit, & molesta ex-
citet symptomata, ad acrimoniam & malignitatem ob-
tundendam. *Primerosius, de vulg. error. L. IV. c. 15. p. 384.*
Tuto haec sunt in calido ventriculo & ventre siccior: quod
si enim ventriculus sit admodum calidus, aut inflamma-
torio dolore, vel erysipelate incipiente correptus, ab initio
convenire frigida potum, sentit *Septalius, in Manget.*
Labyrinth. p. 362. Naturae enim calidae quies & aqua potus,
inquit *Hippocr. de diet. salubr.* Satis commode ab ineunte
aetate potatur aqua, qua hodieque major hominum pars si-
tim levat & inopia sua feliciores sunt illi, quam nos no-
stita copia & luxu. In vulgus est notum, plus alio omni potu
aquam, ab immoderata caliditate & siccitate ventriculi,
aut etiam cum praesentia humoris calidi & sicci, biliosi,
falsi, ortam sitim solari frigidam, aestum extinguendo &
bilem copia sua subducendo. Facit hoc ubertim hau-
sta, non semel, sed successive. Scribit *Galenus, L. I. de diet.*
43. si aqua ad sitim sedandam exhibeatur, tantum

ejus sumendum, quantum unica inspiratione ager haurire potest; si ad extinguendum calorem, ad ægrotantis fatietatem, ut etiam ait, *9. meth. 8.* idque conferim. Sic *10. meth.* juveni ex ira febricitanti, sub caniculæ fervoribus, heminas duas aquæ in prima accessione dedit. *Primerosius, l. c. p. 470.* De quibus infra.

§. XXII.

Tartareis insigniter conferre morbis frigidam, & experientia loquitur, & suadet ratio. Diluere illam saliva tartarea, & fluidificare serum sanguinis, deobstruere vias, & per urinas educere atque alvum impuritates grossiores, per transpirationem subtiliores, viscerum quoque tonum corroborare, aperta est veritatis. Hinc ex arthritide nodosa laborans contractura manuum pedumque, vini loco per decennium bibebat frigidam aquam, & perfecte curabatur. *Poterius, Observ. Cent. 3. Cap. 99.* Factitavit hoc alius, qui demum ad ultimam senectutem sine podagra, vitam perduxit. *Trincavellius, de curand. morb. L. XII. c. 2.* Haud procul hinc nonagenarius vivit illustris, qui a multis retro annis a podagra misere tortus, cum nihil aut parum a medicina juvaretur, qua tamen in paroxysmo abstinebat, ne naturam turbaret in coctionis & expulsionis negotio, ad diætam tandem conversus, prandebat largiter, cœnabat parce, & bibebat frigidam in mensa, adventante autem senectute, cerevisiam secundariam, aqua paululum meliorem, subinde vini veteris cyathum, & ecce, vitam adhuc degens a podagra liber, tolerabilem agit senectutem. Nec est, cur pertimescant in senio positi, ob naturæ languorem, refrigerationem ventriculi & viscerum intolerabilem, cui sen-

sim

sim sunt assuefacti, per gradus ad habitum progressi. Sine damno decrepiti sylvicolæ & ruricolæ magno numero, in variis terris, eandem ferunt; & quantum ipsis a potu aquæ decedit, tantum per cibos, quorum sunt avidiores, aqua enim tunc est vorax, accedit caloris. His confisi exemplis, asserere non dubitamus, arthritidis & podagræ medelam alia quavis hactenus cognita, ista quoque lactea, periculi plena, qua lactis saccharum est tutius, longe esse certiore.

§. XXIII.

Scorbuticorum salutem corporis eadem ratione obtineri posse, in propatulo est. Radicatur in eo rhachitis, infantilis morbus, nomine ex Anglia oriundus, re ipsa diu in Germania, & sic forsitan ejusdem ætatis, deprehensus. In hanc incidebant, scorbuticis parentibus nati, cœptam tertio ætatis anno, frater quinquennis, & soror anno minor, iste gravius, hæc mitius. Spina dorsi instar literæ S inflexa est, ossa artuum incurvata, & prope genu contorta, quasi luxata, pone articulos nodosa, cum eminentia quadam. Venter est prætumidus & caput grande, pectus autem & artus sunt emaciati, ad motum impotentes, & puer velut pedibus captus, gressus facere haud valet; & ut corpore ignavus, ita animo tristis. Spiritus grave olet, juxta ac sudor. Appetitus plerumque nimius, facit eos voraces, afflictos insuper frequentius febris continua, purpura scorbutica & coryza. Diu incassum curati, sub finem ætatis præteritæ, invitantur ad frigidæ fontanæ egregie dulcis, ante Löber portam prosilientis, potum. Bibunt puella mane & a meridie, puer vero saltem mane, balneatur eadem frigida in labro post meridiem, observatis pro more congruis reliquis.

Finite elapso mense cura, capita & ventres detumescunt, moderatior est fames, expeditior corporis motus, & hilarior animus, ipseque puer erigit se saepius supra pedes, his licet ad incessum uti nequeat. Emendat ergo diluendo, abstergendo & educendo, quamvis salinam dyscrasiam, acidam, salinam, biliosam, fixam & volatilem in corpore, & edulcat, sanguinem eluit atque purificat. Præterita æstate, quadam virgo manuum serpigine afflicta, & benigna purpura sæpe revertente, tribus septimanis methodice bibit aquam dulcem frigidam fontanam, vius alvinis & urinalibus ab inde largiter solutis, & aucto oris sputo insigniter salso, prorsus sana est facta. Ita pariter curantur a salibus & siccitate orta scabies, siccitas, macies & quævis in cute efflorescentia, quibus illa deturpatur. Memorabilis quoque hic erit casus: Puer XI. annorum, scorbuticis natus parentibus, per triennium hætenus æstate gravissime afflictabatur capitis dolore, post meridiem exacerbato ad lipothymiam usque, simul vertiginosus & sonitu aurium vexatus, spiritus erat jejuno macer, persistente semper appetitu, inprimis panis domestici nigricantis. Prioribus annis curatus fuerat sero lactis dulci, cum succis herbarum antiscorbuticarum temperatarum expressis. Hoc vero anno his & omnibus aliis irritis, clysteres applicabantur domestici, multaque biliosa & nigricantia per alvum educebantur; tum potabatur mane frigida dulcis, a meridie pediluvia similia frigida adhibebantur, quibus incolumitatem recuperabat. Jungere his addecet pulsationem in dorso arteriarum, semper a causa calida pendentem, qua foemina interdum divexantur. Adversus hanc, signis coctionis apparentibus, nisi quid impedit, gelida potus confert largior. Sic enim domitum refrigeratumque humorem

rem natura expellet per vomitum, ventris fluorem, aut sudorem, ita ut nulla alia purgatione saepe sit opus. a *Castro, de Medic. mul. L. II. c. 4.*

§. XXIV.

Jam ad febres, quarum magna est cohors. Vidit, qui in arthritide jugulanti pene sitim caloremque frigida assatum pota deleverit, *Pechlinus, Obs. 33. L. III.* Quod ad nos, aqua potum maxime probamus in febribus tartareis, & in his, quae a nostra intemperantia veniunt. *Peterius, de febr. E. II. c. 27.* Confirmat exemplo *Celsus*, quod *Cassius*, Medicus quidam, febricitanti post ebrietatem, cum siti, aquam frigidam ingesserit, protinusque febrem somno & sudore discesserit. Nec arcendi ab aqua largius sumenda sunt hi, qui ex sincera bile febricitant; ejus enim succi alteratio, usito est potius, quam putrescentia. In talibus ab attemperazione expectandum auxilium est potius, quam a concoctione. *Valesius, L. IV. Epid.* Abegit eadem quotidianam, in *M. A. N. C. Dec. II. ann. 2. p. 336.* Curavit ingesta ad fastidium, vel ab onere copiosum usque vomitum, tum quartanam, tum tertianam duplicem, a qua hoc modo mercator curatus fuit; & simplicem, in paroxysmo, post signa coctionis, alias in crudat materiam, oppilat splenem, sudorem prohibet; *Forestus, de febribus L. V. Obs. 3.* non tamen in accessuum initio. Juvabit imprimis, si aeger, est juvenis, biliosus, antea purgatus, vel alias non valde cacoehymicus, ad sudorem pronus, verno aut aestivo tempore, in paroxysmo tertianae, exquisita, tertio vel quarto, cum summus calor non nihil decrescere animadvertitur, & licebit ad satietatem bibere, *Reverio* consentiente, in *prax. L. XVII. p. 563.* frigidam cum spiritu vitrioli. *Haeserius, Hercul. med. L. de febribus, C. I.*

p. 322. Cum autem tertianarii in quadam epidemica constitutione, frigida & humida tempestate, bile valde refracta & acido exuberante, biberent frigidam, ab hac cacochylia, & tandem cachexia & hydrops succedebant. *Ramazzinus, Oper. 147.*

§. XXV.

Quod ad ardentibus febribus laborantes attinet, liberalissimus aquæ frigidae potus, in Italia, æstate, cum apparet in urinis coctio, & natura vicisse aliquo modo morbi causam cernitur, sumtus, illico facta multæ bilis flavæ & putridæ evacuatione per vomitum, aut largos sudores, vel utrumque, plurimos servavit. *Smetius, Miscell. med. L. III. p. 161.* Idem fit sæpe per alvum: & nisi talis supervenit excretio, procurari per pharmaca debere, sunt qui consulunt. Hoc etiam scriptum reliquit *Erastus, in explicatione quest. 2. de purg. med.* Exhibendus itaque ægro juveni, carnoso, sine phlegmone, non in principio, sed febris statu & vigore, robusta natura & visceribus integris; excitaturi & promoturi eo criticam commotionem & expulsionem materiæ morbificæ. Pro renata, præmissa venæ sectione & minoratione, juvabit certius. Exempla suggerit *Amatus Lusitanus, Cent. I. Curatio 3. & 4. curat. 14.* & *Ballonius, Paradigm. 36.* cuidam chirurgus, cum per dies aliquot, cum summa cutis siccitate & squalore, febris assidua periculum mortis crearet, propinata aqua, quantum ebibere posset, & vestimentis tectu corpus; sudores manaverunt, alvus liberior fuit, & convaleuit. Hoc quoque est *Celsi, L. III. c. 7. §. 2. consilium.* An sine tali ad evacuationem adeo notabilem respectu? cen videtur *Fortis, de febr. Cap. de Colliquat.,* in ardente, colliquativa, cuius notæ calor deurens & inexhausta sitis, commendare frigidæ

gidæ potionem, ut remedium princeps, puta, ob summam necessitatem. Id ipsum facit quoque *Rhases*, ut notavit *Savonarolus*, quando aquæ frigidæ usum minus procrastinandum esse monet; licet enim crisis tardetur, mortis tamen periculum averti posse. Nimirum, mori potest æger, ante coctionem & ejus signa colliquatus: præbeatur itaque, sed non adeo copiose, ut possit calorem nativum obruere, ad summum libræ quinque. *Fortis*, l. c. Idem tene in syncho non putrida. In syncho autem putrida eo magis sit digesta materia, & morbi status, vel & declinatio. In syncho pestilentiali nullo modo confert. *Forestus*, de febribus L. IV. Obs. 18. p. 95. Eadem quoque mens est *Poterii*: in his, quæ coelitus demittuntur, ut in malignis & pestilentialibus, vinum magis probamus, quod generosius diluatur aqua communis. Ubi anceps est medicus de vino, satius puto, aqua utatur, quæ minime lædimur. *Loc. cit. cap. 28.* Jam porro discernendum in lipyria, ante vigorem frigidam non esse dandam, nisi ægro in more positum, bibere eam, & sitim ferre nequeat. In vigore autem semel frigidissimam & multam damus. *Forestus*, L. II. 260. In gangræna curanda uti licet aqua pluviali frigida, in potu. *Celsus*, L. V. Cap. 26. §. 34. Porrigitur ab initio hecticarum, quando vires sunt firmæ & corpus sanguinis rigatum benignitate. *Heurnius*, de febribus c. 5. Nam quando nil in corpore est, quod vim occurrentis aquæ debilitet, damnis augetur. Abesse quoque obstructio & phlegmone debent, & putridus sanguinis status, velut in abscessibus.

§. XXVI.

Quid apud nos hætenus quandoque factum, dicemus
E pau-

paucis. Ante annos aliquot, a vere, per æstatem ad autumnum medium, malignæ hic existebant febres, cum & sine exanthematibus, purpurata, petechiales, quibus viri ac juvenes præcipue afflictabantur; plurimique e plebe. Confanefcebant multi, qui frigidam, quantum satis ad sitim contemperandam, quotidie aliquot cantharos hauserant. Fecerunt hoc, prægressa æstate fervida, quidam viri juvenes, purpura cum febris acuta ægrotantes graviter, quibus cerevisiam secundariam, imposito puteali aquæ vase potatorio, egregie refrigeratam bibere, quantum voluerint, concessum erat, summo cum emolumento; optimæ enim & perfectæ per narium hæmorrhagiam & sudores sequebantur suo tempore crises: confessi postmodum, sibi pereundum fuisse, tali vitæ fomento denegato. Purpuram benignam, vertente æstate epidemiam, chronicam, durantem quippe, cum sudoribus, multis septimanis, aiebat cerevisia primaria, levabat secundaria, & ipsa frigida. Mirum dictu! cum juvenis literatus, scorbuticus, aëris fervore calefactus, incideret in febrim acutam, cum vehementi capitis dolore & æstu, vigiliis, sicca tussi & summa virium lassitudine, laxativo præmisso, & irritis omnibus bezoardicis, circa undecimum morbi diem, frigidissima aqua, prout tunc e fonte profiliit, pro lubitu hausta, statim emergebat ex morbo. Lætatus cita hac convalescentia, adhuc eam bibit, calidæ naturæ existens, macilentus. Testatur de se ipso *Schelhammerus, de febr. p. 189.* quod frigidam in febris maligna petechiali cum fructu potarit, non hausta ad satietatem & fastidium, sed ad necessitatem. Acute febrientes cum papulis rubris, purpureis, sine cutis elevatione, post unam purgationem, aquam maximis ingerebant poculis, assueti in rure viventes, & curabantur. *Heerius, Obs. p. 87.* Nec vagabimur extra oleas, dicturi, DOMINO PRÆSIDI

in usu fuisse, per totum præseos suæ tempus, in variolis, tam discretis, quam præsertim confluentibus, toto morbi cursu, inprimis apud adultos largius, salivationis promovendæ & contemperandi æstus majoris gratia, frigidam cerevisiam secundariam, ab aqua simplici hic loci parum, & non nisi coctione diversam, aut decoctum avenaceum tenue, agris propinare, quæ cum diætâ excarni & aëre conclavis tepido, insigniter profuerunt.

§. XXVII.

Largum frigida potum in febribus, commendat plurimum *Galenus*, *Comment. de vict. ac. text. 48. Comment. 3. text. 40. Comment. 4. text. 12. meth. L. 10. c. 10.* item, *Avicenna*, *Paulus Aëtius*, *Averrhoës* & plures veteres. Neque facile metuitur ullum damnum ex subita alteratione, scilicet excessive corporis caloris repentina refrigeratione potu aquæ gelidæ, quam alterationem oporteret esse successivam, cum extremis morbis remedia extrema sint adhibenda, *Hippocr. Aph. 6. L. I.* siquidem in morbis acutis mitiora usurpare velle, nihil aliud esset, quam tempus perdere, ut docet *Galenus, L. V. Meth.* Contra largum frigida, qua sanguis eluatur, potum in ardentibus, insurgit *Pechlinus*, *de purgant. p. 267.* eundemque agros non solum in magnas & fatales sæpe diarrhæas præcipitare autumat; verum effervescentiam quoque intestinale effœtam, & humidi defectu tardius procedentem, inflammare denuo & accendere, non aliter ac calcis vivæ ebullitionem aquæ redintegret mixtura. Ast hoc cum non suffalciait ille experientia, curamus parum. Frigida larga humidi defectum rearciat semper, ut ebullitio talis non sit metuenda. Dilucidatur ex hoc veterum sententia, frigidam facile bilefcere, nimirum, in ventriculo calido. Id fit, quando pauca in hypochondriis permanens, diluit con-

centratam bilem, quæ ita veluti pabuli copiam adepta auge-
tur, & ab ardente ventriculo, aut ipso corpore incallescens,
plus calefaciet, & corrumpitur, ut loquitur *Gabelcheverus*,
Centur. V. Observ. 26. Ab ipsa autem huic periculo prospe-
ctum est natura, vehementi siti, qua potus, copia sua refri-
gerans, desideratur.

§. XXVIII.

Hæc sunt, quæ circa frigida potum erant admonenda;
qui ut optime succedat, requiritur porro corpus calidum,
juvenile, virile, sanguineum, biliosum, carnosum, robustum,
firmis visceribus: tempus anni & æris calidum, qui quan-
to est debilior, tanto frigida gradus sit remissior, & contra.
Plura vide passim supra. Desideratur plerumque, quæ in-
ferior nivis frigiditate, & qualis e fontibus perpetuo fluen-
tibus profilit aqua, sumenda pro tolerantia, atque paulatim.
Ad frigiditatis debitum & altiore, si eo destitueretur,
gradum effertur infrigidatione per ærem ventosum,
aquam putealem, nivem & glaciem, quæ in fossis subter-
raneis ad æstatem usque conservatur, aut per nitrum vasi
appositum, profundas cellas, atque lapides duriores, ab
aqua refrigeratos, & potui injectos.

Ita medicum frigoris usum practicum tribus disserta-
tionibus, de balneis aquæ dulcis, clysteribus atque po-
tibus frigidis ea, qua par est, brevitate & perspicuitate
pertractavimus, addituri impofterum plura, quæ expe-
rientia, magistra rerum optima, offeret vel no-
va, vel jamdum dicta plenius
confirmabit.

T A N T U M